

# SCRIPTA

---

**Numéro Scripta :** 2432

**Auteur(s) :** Guillaume d'Argences [chevalier]

**Bénéficiaire(s) :** Coutances (hôpital-Dieu)

**Genre d'acte :** charte

**Authenticité :** non suspect

**Datation :** 1224

**Action juridique :** donation

**Langue du texte :** latin

## Analyse

Guillaume d'Argences donne à l'Hôtel-Dieu cinq quartiers de froment sur ses moulins.

## Tableau de la tradition

### Éditions principales

a. Le Cacheux Paul, *Essai historique sur l'Hôtel-Dieu de Coutances*, l'hôpital-général et les Augustines hospitalières depuis l'origine jusqu'à la Révolution avec cartulaire général, Paris, Picard, 1895-1899, 2 vol., t. 2, n° XL, p. 32-33.

Texte établi d'après a

Sciant omnes qui sunt et qui futuri sunt, quod ego Willelmus de Argenciis, miles, pro salute anime mee et pro animabus antecessorum et successorum meorum, dedi et concessi hospitali Sancti Spiritus et beati Anthonii Constanciensi, ad sustentationem pauperum ibidem commorantium, quinque quarterios frumenti habendos et percipiendos in meis molendinis ad mensuram granarii mei, singulis annis, ad festum Sancti Michaelis, in puram et perpetuam elemosinam, omnino liberam et quietam, videlicet unum quarterium frumenti in meo molendino de Orlandia et unum quarterium in meo molendino de Gruia et tres quarterios in meis molendinis de Dico. Sciendum est autem quod ego et heredes mei, quando dicta molendina mea vel aliquid illorum in manu mea vel heredum meorum fuerint, et illi homines qui eadem molendina de me et heredibus meis ceperint et tenuerint ad firmam, dictum frumentum semper ad terminum predictum dicto hospitali integre persolvemus. Si autem ego vel aliquis heredum meorum vel illorum qui de me et heredibus meis predicta molendina tenuerint ad firmam, aliquo tempore contradixerimus, quod absit, prenomiatum frumentum reddere sepredicto hospitali ad terminum prefixum, domino episcopo Constanciensi et magistro ejusdem hospitalis, in me et heredes meos et illos qui firmarii eorundem molendinorum exstiterint, licebit justiciam ecclesiasticam exercere quousque quinque quarteria frumenti dicto hospitali integre persolvantur. Quod ut firmum et stabile in posterum perseveret, presenti carta mea confirmavi. Actum anno gratie M° CC° vicesimo quarto.